



17 FEB, 2024

Cubaan seludup keluar RM170,000 di KLIA gagal

Berita Harian, Malaysia



Page 1 of 2

Cubaan seludup keluar RM170,000 di KLIA gagal

Putrajaya: Jabatan Kastam Diraja Malaysia (JKDM) Zon Tengah (Unit III) Lapangan Terbang Antarabangsa Kuala Lumpur (KLIA) mematahkan cubaan menyeludup keluar wang tunai berjumlah RM170,000, pada 27 Januari lalu.

Pengarah Operasi Penguatkuasaan JKDM Zon Tengah, Wong Pun Sian, berkata Pegawai Cawangan Pemeriksaan JKDM dengan bantuan Aviation Security (AVSEC) Malaysia Airports Holdings Berhad menahan seorang penumpang warga China di balai berlepas KLIA yang ingin berlepas ke Lapangan Terbang Antarabangsa Suvarnabhumi Bangkok, Thailand, pada jam 10 pagi.

Beliau berkata, hasil pengimbasan ke atas beg galas yang dibawa penumpang itu mendapati terdapat dagangan yang disyaki sejumlah wang tunai.

Katanya, pemeriksaan lanjut menjumpai wang tunai dengan nota RM100 sebanyak 1,700 helai dengan anggaran nilai kese-



Pun Sian (tengah) menunjukkan sebahagian wang tunai yang dirampas. (Foto ihsan JKDM)

luruhan RM170,000.

“Penumpang ini didapati gagal membuat pengikraran dalam Borang Kastam Nombor 7 serta gagal mengemukakan permit kebenaran dari Bank Negara Malaysia (BNM),” katanya menerusi kenyataan, semalam.

Poh Sian berkata, kes penyeludupan mata wang ringgit Malaysia itu kali pertama berlaku membatkan penumpang antarabangsa melalui balai

berlepas KLIA.

Katanya, kes disiasat mengikut Seksyen 135(1)(a) Akta Kastam 1967 dan Seksyen 28B Akta Pencegahan Pengubahan Wang Haram, Pencegahan Pembiayaan Keganasan dan Hasil daripada Aktiviti Haram (AMLAFTPUAA 2001).

Jika sabit kesalahan, tertuduh boleh didenda tidak melebihi RM3 juta atau dipenjarakan tidak melebihi lima tahun atau kedua-duanya.



17 FEB, 2024

Cubaan seludup keluar RM170,000 di KLIA gagal

Berita Harian, Malaysia



Page 2 of 2

SUMMARIES

Putrajaya: Jabatan Kastam Diraja Malaysia (JKDM) Zon Tengah (Unit III) Lapangan Terbang Antarabangsa Kuala Lumpur (KLIA) mematahkan cubaan menyeludup keluar wang tunai berjumlah RM170,000, pada 27 Januari lalu.